



**UPOZORENJE  
PRAVNIM I FIZIČKIM LICIMA  
ZA PREDUZIMANJE PREVENTIVNIH MJERA ZAŠTITE I SPAŠAVANJA  
OD KIŠNIH I SNIJEŽNIH PADAVINA, TOPLJENJA SNIJEGA I POJAVE  
POPLAVA**

S obzirom da se prema prognozama Federalnog hidrometeorološkog zavoda u narednom vremenskom periodu (za vrijeme vikenda i početkom naredne sedmice) očekuje pogoršanje vremenskih prilika praćeno kišom, susnježicom, kao i postepenim porastom temperature zraka (što može uzrokovati topljenje snijega i poplave), te uvažavajući činjenicu da je tokom trenutnog godišnjeg perioda povećana opasnost od izbijanja prirodnih i drugih nesreća: poplava, klizišta, leda i ledenica, jakog vjetera i dr., ovim putem upozoravamo sva pravna i fizička lica da preventivno radi zaštite života ljudi i materijalno-tehničkih sredstva ODMAH preduzmu preventivne mjere koje su im propisane Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10 – u daljnjem tekstu: Zakon o zaštiti i spašavanju), a posebno mjere koje se odnose na:

- obavezu pravih lica da donesu planove zaštite i spašavanja za svoje djelovanje u zaštiti i spašavanju, planiranje i osiguranje materijalno-tehnička sredstva za provođenje mjera zaštite i spašavanja, organizaciju svojih snaga civilne zaštite (štabova, jedinica i povjerenika civilne zaštite), te opremanju tih snaga potrebnom opremom i sredstvima i njihovim osposobljavanju za učešće u zaštiti i spašavanju;
- provođenje lične i uzajamne zaštite građana, kao najmasovnijeg oblika pripremanja i organizovanog učešća građana u zaštiti i spašavanju ljudi i materijalnih dobara od prirodnih i drugih nesreća.

Apelujemo na sve subjekte zaštite i spašavanja (pravna i fizička lica, organe vlasti, posebno općinske službe civilne zaštite i druge organizovane snage civilne zaštite), da odmah preduzmu navedene preventivne mjere jer će samo tako stvoriti pretpostavke za efikasniji i brže reagovanja svih subjekata sistema zaštite i spašavanja u sveobuhvatnom odgovoru na sve buduće potencijalne izazove i prijetnje, a samim tim će se izbjeći velike materijalne šteta, kao i brojne povrede i ljudske žrtve, koje mogu nastati uslijed navedenih prirodnih i drugih nesreća.

Napominjemo, navedene subjekte, da su dužni ODMAH ČIM primijete ili saznaju za neku opasnost ili pojavu koja može dovesti do nastanka prirodne i druge nesreće, sve podatke o istoj dostaviti Kantonalnom operativnom centru civilne zaštite na tel. broj 121, koji radi neprekidno 24 sata svaki dan.

**DIREKTOR**

**Samir Džihić**

